

城堡

元

張士誠據蘇州。以常熟為要害。築磚城。圍九里三十步。高二丈二尺。厚一丈二尺。最為完固。永樂中。歲大祲。飢民毀城易米。

士誠據有平江。吾常熟寔為要害。乃塹白茆浦。廣六十丈。以洩三吳之水。恐蘄浙諸寇航海易達。遂築城於支塘鎮。駐兵守之。城之制南北跨鹽鐵塘。東西跨白茆浦。如潤州之鐵甕。而加壯焉。士誠雖

海虞別乘

城堡

三十 淑照堂叢書

割據之雄。於防海之規畫善矣。弘治中建太倉州。城當事者昧設險之意。竟撤城甃以去。虛吳中東北之鑠鑰。惜哉。今其遺址尚在。居民占為墓地。纍纍荒塚。覽者有廢興之感。罄漆之憂焉。按宋置水軍于許浦。今許浦淺狹。海舟不可達。水軍寨宜添設於白茆。蓋西鄉楊舍守兵。惟近黃泗浦。福山之兵。右奚浦。左許浦。尚可策應。至白茆海口。則百里而遙。緩急不足恃。為地方綢繆計者。宜加之意焉。

三恪自紀

明

常熟之有城也。知縣蒼野王公築也。嘉靖甲寅倭夷作亂。撫按檄縣築城。王公惟雄毅忠勤。晝夜督率。有富民譚曉。獻銀四萬兩為版築費。而好義者繼之。三月而城成。倭屢攻弗克而退。闔邑之得免於虜。粉者皆公之力也。初度地日開土得舊碑。邑故有城。築之者亦王姓云。自紀。

島夷之亂。歸雷築堡于九浙塘。延袤三里。較邑城倍為堅固。又朱寅亦築一堡。規制較狹。撫按有花紅羊酒之賚。後朱堡隨廢。而歸堡至今屹然。

海虞別乘

城堡

三

淑照堂叢書